



**C**hristopherus à pueris operam literis dedit, & prima artium & linguarum fundamenta foeliciter iecit. Postea Vuitenbergæ Theologiæ operam dedit, & sacras literas sibi familiares reddidit. Itaque factum ut pastor Ihenensis electus fuerit. In eo loco magna diligentia Christum prædicauit, & aduersarijs fortiter restitit. Sæpius etiam in Comitijs comparuit, & cum aduersæ partis Theologis disputauit. Nec solùm uiua uoce docuit, uerùm etiam posteritati suum ingenium declarauit. Scripsit enim De poenitentia Commentariorum libros tres, atque anno millesimo quingentesimo quadragésimo ædidiit. prætere-

rea Commentaria in Epistolam Pauli ad Titum, in quibus agitur de uniuersa doctrina Christiana, et de corrigendis abusibus ecclesiasticis. Hisce pietatis officijs Christopherus effecit, ut apud omnes in magna auctoritate esset. Con. Gess. in Bib.